

保嬰撮要卷之三

薛氏醫按

吳郡薛鏡集

薛已驗

江都

吳中珩校

急驚

錢仲陽云急驚者因聞大聲或驚而發搐搐止如故此熱生於心身熱面赤引飲口中氣熱二便黃赤甚則發搐蓋熱盛生風陽盛而陰虛也宜以利驚丸除其痰熱不可用巴豆之藥蓋急驚者陽症也俱府受病而屬實乃少陽相火旺經曰熱則生風風生痰痰熱客於心膈間則風火相搏故抽搐發動經所謂木

太過曰發生其動掉眩顛疾是也當用利驚丸導赤  
散瀉青丸等藥搗止與安神鎮驚丸婁全善亦曰急  
驚屬木火土實木實則搗而有力及目上視動劄頻  
睫土實則身熱面赤而不吐瀉偃理合睛治法宜涼  
宜瀉而用涼驚利驚等丸亦有因驚而發者牙關緊  
急壯熱涎潮竄視反張搐搦顛動唇口眉眼眨引口  
中熱氣頰赤唇紅二便秘結脉浮洪數緊此內有實  
熱外挾風邪當截風定搐若痰熱尚作仍微下之痰  
熱既泄急宜調養胃氣搐定而痰熱少退卽宜調補  
脾氣東垣云若因外物驚者宜黃連安神丸因氣動

所驚者宜安神鎮驚丸之類大忌防風丸如因驚而  
瀉青色宜朱砂丸大忌涼驚丸蓋急驚者風木旺也  
風木屬肝盛則必傳射於脾欲治其肝當先實脾後  
瀉風木若用益黃散則誤矣經曰邪氣盛則實正氣  
奪則虛前所云實者乃病氣有餘而形氣不足也當  
先瀉而後補虛甚急當補脾爲先少以攻邪之藥佐  
之其所云虛者乃病氣形氣俱不足也當純補真氣  
爲要若肝經風火相搏抽搐目瞶筋急痰盛者常用  
四物湯以生肝血加鈞藤鈎山梔以清肝火更用四  
君子以補脾六味丸以滋腎若肺金尅木而兼呵欠

者用瀉白散以泄肺邪地黄丸以益肝血若邪入肝  
則用柴胡清肝散加龍膽草亦可邪入心用梔子清  
肝散加炒黃連亦通邪入腎用六味地黃丸邪入肺  
用地骨皮散邪入脾用六君子加柴胡山梔大抵此  
症屬肝膽經血虛風火相搏而善行數變者爲多若  
不養肝血不補脾氣純用祛風化痰之藥則脾益虛  
血益損邪氣延綿必傳慢驚矣

治驗

一 小兒九歲因驚發熱抽搐頓悶咬牙作渴飲冷  
便秘面色青赤而印堂左腮尤赤此心脾二經風

熱相搏乃形疾俱實之症也先用瀉青丸料炒苗  
連一劑大使隨利熱搐頓減繼用抑青丸一服諸  
症悉退但面色痿黃肢體倦怠飲食少思此病氣  
去而脾氣未復也用補中益氣湯及地黃丸而全

次

小兒發熱抽搐口噤痰湧此膽經實火爲驚風  
也先用瀉青丸一服六味丸二服諸症卽退又用  
小柴胡湯加芎歸山梔釣藤鈎次以補中益氣湯  
而愈

小兒忽然發熱目動咬牙驚搐痰盛或與祛風

化痰藥益甚而色青黃乃脾木剋脾膠之液爲涎  
虛則涎不能攝上湧而似痰也法當生肝補脾則  
風自息痰自愈矣遂用六味丸及六君子湯而愈  
一女子十二歲善怒輒中抽搐遍身作痒飲食少  
思此肝經風熱脾土受尅也用參朮柴苓湯以清  
肝健脾而愈

一小兒三歲患急驚面赤發熱作渴飲冷用瀉毒  
丸一服熱衰大半因見得効芟草又自製一服反  
加吐瀉發搐面色青白手足指冷此熱旣去而妄  
自傷脾也用六君子薑桂升麻柴胡一劑得安是

以前哲謂小兒易爲虛實攻伐之藥衰其大半乃止不可過之羅謙甫約方約囊之論恪矣

一小兒三歲因驚抽搐發熱痰盛久服抱龍丸等藥面色或赤或青此心肝二經血虛風熱生痰也用六味丸滋腎生血用六君柴胡升麻調補脾胃而安

一小兒潮熱發熱左腮青赤此心肝二經血虛之症也用秘旨安神丸及四物湯加防風酸棗仁治之而愈

一小兒潮熱發抽搐涎上湧手足指冷申酉時左

腮青色隱白用補中益氣湯調補脾肺六味丸滋  
養肝腎而痊

嘉興王一山女七歲因跌傷腿膝兩臙腫潰面色  
青潔左關無脉余謂驚則氣散而風熱鬱滯於肝  
故其脉隱伏用四君升麻柴胡鈞藤鈞一劑脉至  
隨愈

藥小兒叩堂青黑至夜啼搯余謂脾土虛寒也用  
鈞藤飲而安後因驚發搯夜啼仍用前藥一劑諸  
症復愈又用異功散而痊

一小兒七歲患急驚將愈而發熱驚悸悞服祛風



化痰之劑更加驚搐吐痰喘嗽腹脹少食惡寒再用抱龍丸大便似痢寒熱往來殊類風症先君治之以爲脾氣虧損諸經無所滋養而然用四君子湯爲主少加升麻柴胡以升補陽氣而愈

一小兒驚風後痰嗽不止睡臥不寧諸藥無効余用牛黃清心丸少許頓止後復傷風邪痰盛喘急飲食不下仍用牛黃丸少許而安再用異功散加桔梗而愈

利驚丸 治急驚痰盛發熱潮搐痰厥血麻平疳積

青黛

輕粉

牽牛末

右爲末麩糊丸寒豆大每服十九薄荷湯化下

安神鎮驚丸驚退後調理安心神養氣血和平預防

之劑也

天竺黃研 人參 茯神

南星葛製各五錢 酸棗仁炒 麥門蒸

當歸酒洗 生地黄酒洗 赤芍藥炒各三錢

薄荷 木通 黃連薑汁炒

山梔炒 辰砂研 牛黃研

龍骨各一錢 青黛一錢

右爲末蜜丸某豆大每服三五丸量兒大小加減

淡薑湯送下

四物湯 治血虛發熱煩躁或晡熱作渴頭目不清

若因脾虛不能生血者用四君子湯

當歸

熟地黃各二錢

芍藥

川芎

各二錢

右水煎服

參朮柴苓湯

人參

白朮

茯苓

陳皮

柴胡

升麻

山梔

釣藤鈎

甘草

各一錢

錢

各七錢

分

錢

炒五分

每服一二錢薑棗水煎

黃連安神丸 治心經血虛頭暈神魂驚悸

黃連 酒洗 六錢

甘草 炙 五分

生地黄

當歸 各一錢 五分

硃砂 飛過 五錢

右為末飯糊丸梧桐子大每服十五丸空心白滾湯下如二三服不應當服歸脾湯補之

牛黃清心丸 治諸風癱瘓語言蹇澁健忘恍惚頭

目眩暈胸中煩鬱痰塞喘嗽精神昏憤等症或小

兒風熱上壅抽搐發熱或急驚痰盛發搐日反口

禁或大人傷寒汗下之後煩躁發熱不解並宜服

之

牛黃 一錢二分半

麝香

龍腦

羚羊角 各錢

當歸

防風

黃芩

白朮

麥門冬

白芍藥 各一錢半

柴胡

桔梗

白茯苓

杏仁 去皮尖

芎藭

肉桂

大黃卷

阿膠 各一錢二分半

蒲黃

人參

神麩 各三錢半

雄黃 八分

甘肅 五分

白欵 七分半

犀角 二錢

乾山藥 七錢

乾薑 三錢

金箔

十斤

大棗

十箇 蒸 熟 開 研

右為末煉蜜丸每兩作十丸金箔為衣每服一丸

溫水化下

朱砂丸

方見發搐

瀉青丸

方見肝腫

導赤散

方見心臟

抑青丸

方見肝臟

補中益氣湯

方見虛羸

地黃丸

方見腎臟

小柴胡湯

方見發瘧

六君子湯 方見天鈞

秘旨安神丸 方見心臟

異功散 方見天鈞

慢驚

錢仲陽云慢驚因病後或吐瀉或藥餌傷損脾胃肢體逆冷口鼻氣微手足痠癢昏睡露睛此脾虛生風無陽之症也溫白丸主之蓋慢驚者陰症也俱臟受病而屬虛因吐瀉脾肺俱虛肝木所乘而致痠癢微搐婁全善所謂木虛則搐而無力經所謂木不及曰委和其病搖頭是也 謂手足搖動也瀉心悸 火虛則身寒口中

氣冷土虛則吐瀉睡而露睛治宜溫補脾胃用六君子湯五味異功散之類徐用誠云乙木屬陰乃肝臟病故慢而難治况有夾熱夾食夾痰與外感症相似者當宗錢氏方主之保嬰集云急驚屢發而屢用直瀉之藥則脾陰愈消而變為慢驚多矣大率吐瀉痰鳴氣喘眼開神緩昏睡露睛驚跳搐搦乍發乍靜或身熱身冷面淡青白或眉唇青赤其脉遲沈數緩是也當溫補脾氣為主而佐以安心制肝東垣亦云慢驚風由脾胃虛而生脾虛者因火邪乘其土位火睡能實其木木旺故來剋土當於心經中以甘溫補土



之源更於脾土中瀉火以甘寒補金以酸涼致脾土  
中金旺火衰風木自虛矣稟賦不足或久病脾虛及  
常服剋伐之藥者多致此症若因土虛不能生金金  
不能平木木來侮土而致前症者以五味異功散加  
當歸酸棗仁佐以釣藤飲子補土平木若脾土虛寒  
者用六君子加炮薑木香不應急加附子以回陽氣  
蓋陰血生於脾土宜四君子當歸酸棗仁元氣虧  
損而至昏愊者急灸百會穴若待下痰不愈而後灸  
之則元氣脫散而不救矣此乃臟腑傳變已極總歸  
虛處惟脾受之無風可逐無驚可療因脾虛不能攝

涎故津液妄泛而似痰者當依前法自効若不審其  
因泛用祛風化痰之劑則脾胃氣益傷陰血益損病邪  
益盛而危矣

治驗

舉人余時正子傷食發丹服發表之劑手足抽搐  
服抱龍丸日嚼痰盛余謂脾胃虧損而變慢驚也  
無風可祛無痰可逐只宜溫補胃氣遂用六君加  
附子一劑而愈

一小兒抽搐涎自流或用驚風之藥益甚視其  
面色黃白余用六君補中益氣三湯補脾胃而愈

一小兒傷風咳嗽痰湧用六君桔梗桑皮杏仁治之而愈後飲食停滯作瀉腹脹用六君加山相厚朴而安又復停食作嘔或用藥下之更加咳嗽余謂脾肺俱虛宜用調補彼以爲緩自服發表剋滯前症益甚頭項顫動余用天南星散倍加鈞藤鈞及異功散而愈

一小兒遇驚卽痰盛咬牙發搐搖頭作瀉恪服腦麪朱砂等藥以致慢驚而卒

木附湯治風濕相搏身體煩疼不能轉側不嘔不渴大便堅硬小便自利及風症頭目眩重等症

白朮

四兩

甘草

炒二兩

附子

炮去皮一兩

右為末入附子每服三錢薑五片棗一枚水煎服  
 愚按附子溫中回陽為慢脾之聖藥也如元氣未  
 脫用之無有不應須用每隻重一兩三四錢端正  
 不尖底平週圍如蓮花瓣者佳否則悞用川烏也  
 製法切去皮尖以童便浸之秋冬七日春夏五日  
 每日一換浸畢切作四塊以濕草紙包數層微火  
 煨半日取出切開無白星為度如急用炮至烈紋  
 即投童便中良久浸透切片如色白再微炙之氣  
 脫甚者急生用亦効

太乙保生丹 治慢驚尚有陽症者

全蝎 青者十箇

白附子 生用

真殭蠶

牛膽南星

蟬殼

琥珀

防風

朱砂 各一錢

麝香 五分

右為末米糊丸桐子大金箔為衣每服一二九薄

荷湯化下

聚寶丹 治慢驚

人參

茯苓

琥珀

天麻

真殭蠶

全蝎 炙

防風

牛膽南星

白附子 生用

烏蛇

肉酒 焙一錢

朱砂

半錢

麝香

少許

右爲末煉蜜丸桐子大每服二丸菖蒲湯下

金箔鎮心丸

治風壅痰熱心神不寧驚悸煩渴唇

焦頰赤夜臥不安謔語狂妄

朱砂

一兩

白茯苓

人參

甘草

各半兩

山藥

一兩半

片腦

牙硝

一錢半

麝香

五分

金箔

十二貼 爲衣

草紫河車

二錢半 黑豆煎者

右爲末煉蜜丸每用五錢作五十九丸以金箔爲衣

每服一丸薄荷湯化下含化亦得

溫白丸 治驅風豁痰定驚

人參

防風

白附子 生用

真蠶

全蝎

南星

各一錢焙

湯洗七次焙

天麻

各二錢

右為末水糊丸桐子大每服三五丸薑湯下

烏蝎四君子湯即四君子加生川烏全蝎各少許為

末每服半錢薑棗水煎服次服生川烏

大南星散

治慢驚驅風豁痰

南星

重八九錢者一箇掘地坑深尺許先用炭

南星以火炭密蓋又用盆覆時取出

右為未入琥珀全蝎各一錢每服二錢煎生薑防風湯下

烏沉湯 治慢驚驅風助胃

天麻二錢 人參 真山烏生用

全蝎 焙 南星 焙 木香

沉香 各一錢 甘草 炒半錢

右為末每服三五分薑水煎服

沉香散 治助胃氣止吐瀉

茯苓二錢 沉香 丁香

木香 藿香 厚朴 製



甘草 炙各一錢

右為末每服一字米飲湯調下

### 蘇青丸

蘇合香丸 分一

青州白丸子 分二

右和勻每服五分薑湯調下一匙

### 銀白散 治胃虛吐瀉

糯米 炒二兩

五錢

扁豆 蒸二兩

兩

藿香 二錢

錢

白朮 炒一兩

錢

丁香 二錢

錢

甘草 炙三錢

錢

右為末紫蘇米飲調下直指方加炮白附子全蝎

木香石蓮薑水煎

釣藤散

治吐利脾胃氣虛生風

釣藤鈎 二錢

蟬殼

夫麻

防風

蝎尾 去毒

人參 各半

麻黃

殭蠶 炒

甘草 炙

川芎 各二錢五分

麝香 五分

右為末水煎服虛寒加附子一錢

黑附子湯 治慢脾風四肢厥冷

附子 炒去皮 二錢

木香

人參 各一錢五分

白附子 一錢

甘草 炙五分

右為散每服三錢薑五片水煎若手足既溫即止

後服

生附四君子湯

治吐瀉不思乳食凡虛冷病先與

天數服以正胃氣

人參

白朮

附子

木香

茯苓

橘紅

甘草

各等分

右為末每服五七分薑棗水煎服

辰砂膏 治慢脾冷痰壅滯手足冷而微搐者

黑附子

一枚重一兩以上者去皮臍頂上空一孔入辰砂末一錢仍用附子塞之炭火

牛膽南星

半兩

白附子

炮

五靈脂

蝟各二錢半

右為末煉蜜丸 桐子大每服二三錢生薑汁泡湯

下

七寶辰砂丹治風痰奇効慢驚慢脾以辰砂為主木香佐之用開元錢一箇背後上下有兩月片者放鐵匙上炭火內燒少頃成珠子取入盞中作一服用木香煎湯送下人參湯亦可

天麻防風丸 方見 勝風

參苓白朮散 方見 虛羸

異功散 即五味異功散方見虛羸

四君子湯 方見天鈞

益黃散 方見脾臟

六君子湯 方見天鈞

補中益氣湯 方見虎羸

驚馬癇

錢仲陽云小兒發癇因血氣未充神氣未實或為風邪所傷或為驚怪所觸亦有因姪姪七情驚怖所致者若眼直目牽口噤涎流肚膨搐臂項反張腰脊強勁形如死狀終日不醒則為產矣如面赤目瞪吐舌齧唇心煩氣短其聲如羊者曰心癇面青唇青两眼

上竄手足攣掣反折其聲如犬者曰肝癰面黑目振  
吐涎沫形體如尸其聲如猪者曰腎癰面如枯骨目  
白反視驚跳反折搖頭吐沫其聲如雞者曰肺癰面  
色痿黃目直腹滿自利四肢不收其聲如牛者曰脾  
癰五癰通用五色丸爲主仍察以各經之藥心癰屬  
血虛者用養心湯發熱飭冷爲實熱用虎睛丸發熱  
飲湯爲虛熱用妙香散肝癰者虛症用地黃丸抽搐  
有力爲實邪用柴胡清肝散大便不通用瀉青丸腎  
癰者用地黃丸紫河車丸之類腎無瀉法故徑從虛  
治之別癰者屬氣虛用補肺散面色痿黃者土不能

生也用五味異功散面色赤者陰火上衝於肺也用  
地黃丸脾癰者用五味異功散若面青瀉利飲食少  
思用六君子加木香柴胡若發熱抽掣仰臥面色光  
澤脉浮病在府爲陽易治身冷不搐覆臥面色黯黑  
脉沉病在臟爲陰難治凡有此症先宜看耳後高骨  
間先有青脉紋抵破出血可免其患此皆元氣不足  
之症也須以紫河車曾小兒胞也丸爲主而以補藥佐之  
設若泛行剋伐復傷元氣則必不時舉發久而變危  
多至不救又有驚風食癩三種詳見後方仍參驚風  
胎風治之

治驗

一老人生子方週歲秋初暴冷忽發搐似驚風癰過則氣息淹淹此元氣虛弱所致與補中益氣湯而愈

一小兒十歲一小兒七歲各有癰症歲發二次後因出痘及飲食停滯舉發頻數用六君子補中益氣湯而愈

一小兒患前症每發吐痰困倦半餉而甦諸藥不應年至十三而頻發用紫河車生研爛入人參當歸末九桐子太每服三五十九日進三五服乳化



下一月漸愈又佐以八珍湯全愈

一小兒七歲發驚癇每作先君令其恣飲人乳後

發漸疎而輕至十四歲復發仍用人乳不應余令

用肥厚紫河車研爛入乳調如泥目服二三次至

數具而愈後常用加減八味丸而安至二十三歲

發而手足厥冷仍用前法佐以八味丸十全大補

湯而痊

五癇丸 治諸癇

雄黃

真珠 各一兩  
細研

朱砂 水飛  
半兩

水銀

二錢半用鉛三兩溶  
化入水銀炒結候冷

右爲末煉密丸麻子大每服二三丸金銀煎湯下

錢氏蛇黃丸 治驚癇因震駭恐怖叫號恍惚是也

蛇黃真者三箇鬱金七分一麝香另入  
火燉醋淬處爲末

右爲末飯丸桐子大每服一二丸煎金銀磨刀水

化下

牛黃丸 治風癇因汗出解脫風邪乘虛迷悶搐掣

涎潮屈指如計數是也

牛膽南星 全蝎焙 蟬脫冬二錢半

防風 白附子生用 天麻

真僵蠶少各一錢半 麝香料

右爲末棗肉和丸水銀半錢研細入藥丸菴豆大  
每服一二丸荆芥生薑湯下

妙聖丹 治食癇因驚而停食吐乳寒熱大便酸臭

是也

楮石 煨醋淬 二錢半

巴豆 三箇去心 油三錢

雄黃

蝟稍

朱砂 各一錢

輕粉

麝香 各一匙

杏仁 微炒 二錢

右爲末棗肉丸梧子大每服一二丸木賊草煎湯

送下

星蘇散 治諸風口噤不語

天南星

略炮

右每服五七分薑四片紫蘇五葉水煎入雄猪膽

少許溫服

斷癰丹

治癰瘡後復作症候多端連綿不除者

黃耆

蜜炙

釣藤鈎

細辛

甘草

炙各半兩

蛇蛻

二寸酒炙

蟬蛻

四箇

牛黃

一錢另研

右為末煮棗肉丸麻子大煎入參湯下每服數丸

量兒加減

消風丸

治風癰先宜此藥

牛膽南星 錢一

羌活

獨活

防風

天麻

人參

荆芥

川芎

細辛

各錢

右爲末蜜丸桐子大每服一丸薄荷紫蘇湯調化  
下

祛風保安丸 諸風久遠治之並驗

川烏 去皮尖二錢半生用 五靈脂 半兩

右爲末猪心血丸桐子大每服一二丸薑湯化下

雌黃丸 治顛癩搖掣惡聲嚼舌

雌黃

黃丹

微炒各五錢

麝香

五分

右爲末用牛乳汁三合熬膏杵丸麻子大每服二

三丸温熱水下

比金丸 治驚癇先用此藥

人參

琥珀

白茯苓

遠志

薑製取肉炒

朱砂

天麻

石菖蒲

細蜜者

川芎

南星

青黛

各口一錢

麝香

一匙

右爲末蜜丸桐子大每服一二丸金銀薄荷湯下

虎睛丸

治驚癇邪氣入心

虎睛

經研

遠志

薑汁浸

犀角

鎊屑

大黃

濕紙  
包一袋

石菖蒲

麥門冬

各等分

蜨螂

去足翅  
炒三枚

右為末米糊丸桐子大每服一二丸竹葉煎湯或

金銀薄荷煎湯下

清神湯 治驚癇

犀角

切屑

遠志

薑汁  
焙

白蘇良

石菖蒲

人參

甘草

炒各一  
錢半

右為末每服五七分麥門冬煎湯調下

蜜陀僧散 治心癇不語及諸驚失音用蜜陀僧為

末每服一匙米醋湯調下大人服一錢熱酒下

蝎虎散 治驚癇

褐色生蝎虎 一箇連血細研

右入朱砂麝香末少許同研用薄荷湯調作一服  
數年者亦効蓋癇疾皆心血虛滯生蝎虎管守其  
血繼服二陳湯若無生蝎以帶性雄猪心血代用  
入代赭石散尤妙

代赭石散 治陰陽癇

代赭石 煨醋淬研為末水飛過晒乾

右為末每服半錢以金銀煎湯和金箔銀箔調連  
進二服脚脛上有赤斑乃邪氣發出可治無赤斑



則難治

化風丹 涼風化痰退熱定搐

牛膽南星

羌活

獨活

防風

天麻

人參

川芎

荆芥

粉草

各一錢

全蝎

一箇

右為末煉蜜丸皂角子大每服一錢薄荷湯化下

茯神湯 治膽氣虛寒頭痛目眩心神恐懼不能獨

處或是驚癇

茯神

酸棗仁

炒

黃耆

炒

柏子仁炒

白芍藥炒

五味子炒各一兩

杜心

熟地黄同前

人參

甘草炒分

右每服二三錢水煎

酸棗仁丸 治膽氣實熱驚癇或睡臥不安驚悸怔

仲

茯神

酸棗仁炒

遠志

柏子仁炒

防風

枳殼麸炒各半兩

生地黄杵膏半兩

香竹茹二錢五分

右各另為末蜜丸粟米大每服七八十九白滾湯

送下

定志丸 治心神虛怯所患同前或詭言鬼神喜笑

驚悸

人參

茯苓

各一兩  
五錢

菖蒲

遠志

各一兩

右各另為末蜜丸如前服

養心湯 治心血虛怯驚癇或驚悸怔忡盜汗無寐

發熱煩躁

黃耆

白茯苓

茯神

半夏麴

當歸

川芎

辣桂

柏子仁

酸棗仁

五味子

人參各三錢

甘草炒四錢

右每服一二錢薑棗水煎

妙香散 治心氣不足驚癇或精神恍惚虛煩少寐

盜汗等症

辰砂二錢

麝香一錢

木香煨二錢五分

茯苓

山藥

茯神

遠志

黃耆炒各一兩

桔梗

甘草炒

人參各五錢

右各另為末每服一錢溫酒或白湯調服

八味地黃丸

即六味地黃丸加付子肉桂各一兩

治稟賦命門火衰不

能生土以致脾土虛寒或飲食少思或食而不化

臍腹疼痛夜多漩溺等症經云益火之源以消陰

翳蓋謂此也或乳母命門火衰兒飲其乳致前症

者子母並宜服之

方見驚癇

加減八味丸治稟賦腎陰不足或吐瀉久病津液虧

損口乾作渴或口舌生瘡兩足發熱或痰氣上湧

或手足厥冷等症

即地黃丸加肉桂一兩五味子四兩

地黃丸治小兒肝經虛熱血燥或風客淫氣而患癩

癰結核或四肢發搐眼目抽動痰涎上湧又治胃

疝腦熱肢體消瘦手足如冰寒熱往來滑泄肚脹  
口臭乾渴齒齲潰爛爪黑面黧或遍身兩耳生瘡

或耳內出水或發熱自汗盜汗便血諸血失音等

症其功不能盡述即六味地黃左方見腎臟

八珍湯治氣血俱虛陰火內熱或因剋伐之劑脾胃

虧損肌膚消瘦等症即四君子四物二湯方見驚癇

十全大補湯治氣血虛弱或稟賦不足寒熱自汗食

減體瘦發熱作渴頭痛眩暈最宜用之方見熱症

補中益氣湯方見虛羸

六君子湯方見內鈞

紫霜丸

天麻丸

一方見臍風

驚風

驚風者虛惕怔忡氣怯神散痰涎來去泄瀉色青若  
驚入心則面赤夜啼用梔子清肝散加黃連入肝則  
面青眼竄用柴胡清肝散入脾則面黃嘔吐虛汗嗜  
臥用六君加柴胡山梔入肺則面白喘急用異功散  
加柴胡桔梗入腎則面黑嚙齦咬牙用六味地黃丸  
若因乳母恚怒肝火或膏粱積熱遺兒為患或兒吐  
瀉傷脾清氣不升風木陷入太陰傳變等因皆能致

此當隨主治否則必成慢脾也須預慎防爲善

治驗

一小兒十五歲御女後復勞役考試失意患癩症  
三年矣遇勞則發用十全大補湯加味歸脾湯之  
類更以紫河車生研如膏入蒸糯米爲末丸如桐  
子大每服百丸日三五服而痊後患遺精盜汗發  
熱仍用前藥及地黃丸而愈此症治不拘男婦老  
幼皆効

一小兒周歲從卓上仆地良久復甦發搐吐痰沫  
服定驚化痰等藥遇驚卽復作婢側後不時發而



難愈形氣俱虛面色痿黃服十全大補補中益氣

二湯而愈

至寶丹 治諸驚癇心熱及卒中客忤煩躁風涎搐

搦或傷寒狂語伏熱嘔吐

生犀角 鑄屑

生玳瑁

琥珀

朱砂 水飛

雄黃 小飛各一兩

金箔 五十片半為末

銀箔 五叶

片腦 一匙

麝香 一錢

牛黃 半兩

安息香 一兩半為末酒搗去砂取一兩漉煎成膏

右各另為末和勻入安息香膏加乾入熟蜜少許

丸桐子大每服一二丸人參湯化下量見加減

神妙奪命丹七月內取青蒿節內蟲入朱砂麝香為

丸麻子大每服三五丸薑湯下

人參羌活散 治傷風驚熱

羌活

獨活

前胡

柴胡

川芎

白茯苓

桔梗

枳殼

人參

地骨皮

天麻

各等分

甘草

生石生薑薄荷水煎治驚熱加蟬蛻

防風導赤散

治初驚

生地黃

木通

去節

砂風

甘草 各三錢

右每服三錢竹葉少許水煎有熱加黃芩赤芍藥

羌活

蟬蛻釣藤飲

治肚疼驚啼

釣藤鈎

天麻

茯苓

川芎

白芍藥 各三錢

甘草

蟬蛻 各一兩

右入燈心水煎

七寶洗心散

治煩熱生瘡兼治驚風

生地黃

荆芥穗

防風

甘草

黃芩

羌活

赤芍藥名等分

右爲木每服一錢燈心薄荷湯調下

神弓九治風熱壅滯頭目昏眩口舌生瘡牙齒齧

或遍身瘡疥咬牙驚惕怔忡煩躁作渴或大便澀

滯或積熱腹滿驚風潮搐等症

天黃生

黃芩各二兩

生牽牛末一兩

滑石四兩

黃連

薄荷葉

川芎各半兩

右爲末水糊丸桐子大每服三四丸溫水下

清心丸 治驚熱煩躁

人參

扶神

防風

朱砂

柴胡

各三錢

金箔

三十片

右爲末煉蜜丸桐子大每服一二丸竹瀝調下

化風丹

方見驚癩

安神丸

方見心臟

辰砂膏

方見急驚

柴胡清肝散

方見熱毒

六味地黃丸

方見腎症

梔子清肝散

方見諸熱

十全大補湯

即八珍湯加黃耆肉桂

異功散

方見天鈞

補中益氣湯

方見虛癘

六君子湯

方見天鈞

### 天鈞內鈞

天鈞者發時頭目仰視驚悸壯熱兩目反張淚出不流手足搐掣不時悲笑如鬼祟所附甚者瓜甲皆青蓋因乳母厚味積毒在胃致兒心肺生熱痰鬱滯或外挾風邪為患法當解利其邪用鈞藤飲上氣喘粗者用烏蝎四君子湯內鈞者腹痛多喘唇黑囊腫僵

僂反張眼尾赤此胎中受風及外驚所致若內臟抽掣作痛狂叫或泄瀉縮脚內症一作外症亦然極難調理內症服聚寶丹外症服鈎藤飲進乳食者可治若腹痛唇黑囊腫之類用聚寶丹若外驚內臟抽搐之類用鈎藤飲若因乳母醇酒厚味積毒在胃用加味清胃散若因乳母鬱怒積熱在肝用加味逍遙散加味歸脾湯俱加漏蘆子母俱服凡母食膏梁厚味飼兒之時先擠去宿乳然後吮之

治驗

小兒因乳母受驚發搐時目赤壯熱腹瀉哭而

曲腰用四物加柴胡防風又用加味逍遙散加熟地黃以清肝熱生肝血再用地黃丸滋腎水以生肝木母子俱安

一小兒曲腰而啼面青唇黑此寒氣所乘內釣腹痛也用五味異功散加木香乾薑一劑與母服之頓愈後因母感寒腹痛而啼用人參理中湯一劑與母服其子亦安

一小兒曲腰乾啼手足並冷用六君子加乾薑木香服之未應又加肉桂母子俱服而安

一小兒忽乾啼作瀉睡中搐手足冷此脾土虛寒



用木飭之面作發搐乃肉釣也用益黃散一劑而安用四君子加柴胡升麻乳食漸進而安

一小兒乾啼面青或赤手足並熱或用清熱之劑久不愈診其乳母有肝火氣滯用加味道遙散及越鞠丸以治其母時灌子數滴不旬日子母並愈

一小兒患前症服魏香散而愈後復作服祛風鎮驚之藥上氣喘粗此元氣虛寒也余先用烏鴉四君子湯稍愈但倦怠殊甚用補中益氣湯及五味異功散而痊

一小兒因母每感寒腹痛飲燒酒發熱痰盛面赤

手足並熱屬胃經實熱之天釣也用清胃散子母服之並愈後因傷乳吐瀉面色或清或白手足並冷屬脾氣虛寒用六君子木香藿薑而愈三歲後傷食腹痛唇黑作瀉數去後而無糞或糞少而青此元氣虛寒下陷用補中益氣湯漸愈

一 小兒啼哭陰囊腫大眼目上翻赤脉流淚此肝熱內釣用柴胡清肝散加釣藤釣治之諸症漸愈又用釣藤飲而痊後復發或用祛病根之藥致乳食日少肚中脹痛手足浮腫余先用六君子升麻柴胡數劑諸症稍愈又傷乳食吐瀉用平胃散一

服即愈

一小兒因乳母懷抱鬱結腹痛發搐久而不愈用  
加味歸脾湯加漏蘆母子並服漸愈又母大怒發  
厥而甦兒遂食乳腹痛作瀉面青作嘔先用小柴  
胡湯二劑母子並服少愈其母又嘔酸腹脹用越  
鞠丸加味歸脾湯佐以加味道遙散而痊

釣藤膏 治腹痛乾啼作嘔名盤腸內釣

乳香

沒藥

木香

薑黃

各一錢

木鱉子

三箇去油

右為末蜜丸皂角子大釣藤鈎湯磨半丸八蜜服

薛氏醫法 亦相女最要卷三

未止再服魏香散

魏香散

阿魏二錢先用酒溶化蓬朮五錢

右將蓬朮浸阿魏酒中一伏時焙乾為末每服二

三分紫蘇米飲調下

釣藤飲 治小兒臟寒夜啼陰極發躁此方土之

釣藤

茯神

茯苓

川芎

當歸

木香

甘草

芍藥各錢

右為末每服一錢薑棗水煎若心經熱臉紅舌白

小便赤澀用釣藤飲去木香加朱砂末一錢木通

湯下

乳香丸

治驚風內釣腹痛驚啼

乳香

半錢

沒藥

沉香

各一錢

蝎梢

十四箇

雞心栴榔

半錢

右為木蜜丸桐子大每服二三錢菖蒲釣藤鈎煎

湯下

木香丸

治病同前

木香

全蝎

各五分

沒藥

茴香

釣藤鈎

各一錢

右各別爲末以大蒜研爛和丸桐子大曬乾每服二丸釣藤煎湯下

清胃散 治胃火牙痛或連頭面

升麻 五分

生地黄

牡丹皮

黃連 少

當歸 各三分

右水煎服加柴胡山梔即加味清胃散

愚按前方治脾胃實火作渴口舌生瘡或唇口腫

痛齒齲潰爛焮連頭面或惡寒發熱或重舌馬牙

吐舌流涎等症子母並宜服之若因脾胃氣虛寒

涼剋伐或虛熱上行口舌生瘡弄舌發熱飲食少

思或嘔吐困睡大便不實流涎齟爛者用五味異  
功散

四君子湯 治脾氣虛損吐瀉少食

人參

白朮

茯苓

甘草 各等分

右每服二錢薑棗水煎 新培

愚按前方若胃氣虛弱剋伐傷脾飲食少思或食  
而難化若作嘔作泄尤宜用之如兼痰嗽氣逆肢  
體倦怠面黃浮腫者宜六君子湯

六君子湯即四君子加陳皮半夏治脾胃氣虛吐瀉

不食肌肉消瘦或肺虛痰嗽喘促惡寒或肝虛驚  
搐口眩自汗諸症並宜服之以滋化源方見內鈔  
錢氏異功散 治吐瀉不食脾胃虛冷者先與數服  
以益中州之氣

人參

茯苓

白朮

甘草炒

陳皮各等分

右為末每服二三錢薑棗水煎

愚按前方治脾胃虛弱吐瀉不食或驚搐痰盛或  
睡而露睛手足指冷或脾肺虛弱咳嗽吐痰或虛  
熱土攻口舌生瘡弄舌流涎若母有症致兒患此



者子母並服之

加味歸脾湯去丹皮山梔即歸脾湯治脾虛弱損健

忘驚悸等症

人參

黃耆

茯神去木各一錢

甘草

白朮炒一錢

木香五分

遠志去心

酸棗仁

龍眼肉

當歸

牡丹皮

山梔炒各一錢

右水煎服

愚按前方若乳母憂思傷脾血虛發熱食少體倦或脾虛不能統攝以致陰血妄行或健忘怔忡驚

悸少寐或心脾作痛自汗盜汗或肢體腫痛大便  
不調或婦人經候不調晡熱內熱或蠶唇流注等  
症致兒爲患者令子母俱服之

加味逍遙散去牡丹皮山梔卽逍遙散治肝脾血虛  
等症

當歸

甘草 炙

芍藥 酒炒

茯苓

白朮 炒

柴胡 各一錢

牡丹皮

山梔 炒各七分

右水煎服

愚按前方若乳母肝脾血虛內熱寒熱遍身搔痒

肢體作疼頭目昏重怔忡頰赤口燥咽乾或發熱盜汗食少不寐或口舌生瘡耳內作痛胸乳腹脹小便不利致兒爲患尤宜用之又治婦人陰虛發熱兒飲其乳以致患瘡者

越鞠丸 治六鬱飲食少思或胸滿吐酸齒痛瘡疥等症

蒼朮

撫芎

香附

神麴炒

山梔炒

麥芽炒

山柎各等分

右各爲末水煮神麴麥芽末糊丸粟米大每服百

丸白湯送下

鎮心丸 治急驚化痰鎮心

朱砂

龍齒

牛黃各一錢

鐵粉

琥珀

人參

茯苓

防風各二錢

全蝎七箇

右為末蜜丸桐子大每服一二丸薄荷湯送下

聚寶丹

烏蝎四君子湯二方見慢驚

平胃散

益黃散 方見禁風

人參聖中湯 方見傷寒

補中益氣湯 方見虛

六君子湯 方見內科

釣藤散 方見慢驚馬

地黃丸 方見腎

柴胡清肝散 方見熱症

四物湯 方見急驚

小柴胡湯 方見產症

盤腸氣痛

小兒盤腸氣者痛則曲腰乾啼額上有汗皆出肝經

風邪所搏也肝腎居下故痛則由腰乾啼者風燥其液故無淚也額上有汗者風木助心火也口閉足冷者脾氣不營也下利青糞者肝木乘脾也皆由產下澡洗受風冷所致當服釣藤膏之類若乳母及兒受寒邪者用沉香湯之類若兒額間有汗口閉脚冷乃虛寒也用當歸散或沉香降氣湯之類若面赤唇焦小便不通小腹脹痛者乃小腸熱也用人參湯送下三黃丸若痛不止煎蔥湯淋揉其腹就以熱蔥熨臍腹間良久尿出痛止或以乳香沒藥木香各少許水煎灌匙許若因乳母飲食停滯者用保和丸懷抱氣

鬱者加味歸脾湯怒動肝火者加味道遙散子母俱服並佳

治驗

一小兒曲腰啼叫右腮青黑此臍腹內痛因脾上虛寒肝木乘之也用六君子加木香釣藤鈎即愈

一小兒因乳母大怒亦患前症面赤而啼小便不利用加味道遙散加本通車前子母子服之並愈

一小兒啼叫面赤手足不冷用釣藤飲隨愈後因其母飲酒厚味仍作啼手足發熱又用前藥加生地黃而愈後又面青手足冷啼叫吐瀉其糞腥穢用

助胃膏一服而安

一小兒患前症曲腰而啼額間出汗足冷唇青糞青先用釣藤膏治愈後復患仍用釣藤釣膏而痛減半又煎蔥湯熨洗其腹腹痛遂安

一小兒唇青足冷啼聲不絕用助胃膏一服稍安又食生冷之物前症仍作更泄瀉不止先用六君子加木香乾薑一劑乃去木香乾薑又二劑其瀉頓止又用四君子少加升麻四劑飲合加進

一小兒十四歲腹痛吐瀉手足常冷肌體瘦弱余謂所稟命門火虛也川六君子湯入味在漸漸與



姻後因房勞勒讀感冒發汗繼以節食勞倦朝涼  
暮熱飲食不思用六君子十全大補二湯尋愈後  
不慎飲食起居午前臍下熱起則遍身如炙午後  
自足寒至腰如冰熱時脉洪大按之如無兩尺微  
甚寒時則六脉微細如絕湯粥稍離火食之卽腹  
中覺冷此亦稟命門火衰之症也用補中益氣湯  
八味丸各百餘服漸愈後大吐血別悞服犀角地  
黃丸一劑病益甚飲食頓減面色皸白手足厥冷  
或時發熱寒時脉微細而短者陽氣虛微也按時  
脉洪大而虛者陰火虛旺也余用十全大補及八

珍湯六君子之類但能扶持而血不止復因勞役吐血甚多脉洪大鼓指按之如無而兩寸脉短此陽氣大虛也用人參一兩附子一錢佐以補中益氣湯數劑諸症漸退乃減附子五分又各數劑脉症悉退乃每服用人參五錢炮薑五分月餘始愈

當歸散

治臟寒腹痛面青手冷夜啼不乳

當歸

白芍藥

人參

甘草 炙二分

桔梗

橘皮 去白各一分

右為末水煎半盞時時少與服

沉香降氣湯 治氣不升降胸膈痞塞心腹脹滿喘

促短氣乾嘔煩滿咳嗽痰涎口中無味嗜臥不食

香附子 二兩半

沉香

砂仁 各一

甘草 七子

右爲末每服一錢八塩少許沸湯點平旦空心服  
急按前方若乳母中氣鬱滯不能升降患此症致  
兒作痛者亦用之

三黃丸 方見疝氣

加味歸脾湯

加味逍遙散

釣藤膏 三方見內釣

助胃膏 方見熱吐

魏香散

六君子湯 二方見內鈔

四神丸 方見厥疝

八味丸

地黄丸 並見腎臟

補中益氣湯 方見虛羸

胎驚

小兒胎驚風者因妊婦飲酒忿怒驚跌或外挾風邪  
內傷於胎兒生下即病也若月內壯熱翻眼騷拳禁

口出涎腰強搐掣驚怖啼叫顛縮顛開頰赤面青眼  
合者當散風利驚化痰調氣及貼顛法甚則以硃銀  
丸下之若面青拳搐用保命丹釣藤散之類切不可  
誤作脾風妄用溫藥若眉間色赤或虎口指紋曲裏  
者可治用釣藤散全蝎散若眉間青黑或指紋反出  
外者不治大抵小兒臟腑脆弱不可輒用銀粉鎮墜  
之劑反傷真氣多致不救者且妊娠每月各有經脈  
滋養一月屬肝二月屬膽三月屬心四月屬小腸五  
月屬脾六月屬胃七月屬肺八月屬大腸九月屬腎  
十月屬膀胱多因妊娠時受患而作也須察於某月

受病病在某經和其陰陽調其脾胃兼以見症之藥  
佐之無有不愈

治驗

一小兒患胎驚諸藥不應用紫河車研爛如泥每  
用錢許乳化服之更以十全大補湯加釣藤鈎漏  
蘆與母服兩月餘舉發漸輕服年餘舉發漸稀服  
年餘不再發至出痘後復發取紫河車研爛入糯  
米粉丸小豆大每服百丸以乳送下服二具全瘥  
畢姻又發仍用前丸及十全大補湯六味丸加當  
歸黃耆肉桂五味子年餘喜其能遠帷幙得痊後

凶勞役更作又用前丸及十全大補等藥不應  
用大劑獨參湯服數斤然後舉發稍緩乃用人參二  
兩附子一錢數服頓止仍用前藥間用獨參湯而  
痊

一小兒患胎驚用紫河車丸及十全大補湯及釣  
藤膏而愈畢姻後復發用大劑獨參湯六味丸加  
五味子黃耆當歸煎服半載舉發稍輕年餘不再  
發後每勞役怒氣仍發即用前藥隨愈又傷寒愈  
後復作虛症悉具莫能名狀用紫河車二具獨參  
煎湯十餘斤而痊後患傷風咳嗽咽乾內熱用大

味地黄丸料加五味子煎服及十全大補湯而痊

十全大補湯即八珍湯加黃耆肉桂四君子合用方見急驚

八珍湯加黃耆肉桂即四物四君二湯是也四君見內鈞四物見急驚

地黄丸方見腎臟

珠銀丸方見噤風撮口

保命丹方見發搐

鈞藤散方見慢驚

全蝎散方見偏風口噤

貼顙法方見發搐

鈞藤膏方見天鈞



紫河車丸 方見前症

胎風

小兒初生其身有如湯潑火傷者此皆乳母過食膏粱所致也其母宜服清胃散及逍遙散以清其氣血兒亦飲數滴可也有身無皮膚而不燉赤者皆由產母脾氣不足也用粳米粉傅之燉赤發熱者皆由產母胃中火盛也用石膏傅之經謂脾主肌肉肺主皮毛故知病脾肺也如腦額生瘡者火土相合遂成濕藥下流攻擊腎水也難治如脚上有瘡者陰虛火盛也此不滿五歲而瘡如未滿月而撮口握拳腰軟如

隨者此肝腎中邪勝正弱所致也三日內必不治如  
男指向裏女指向外尚可治眉紅赤不可治可治者  
用全蝎散鈎藤散等類治之若因大病虧損胃氣而  
諸臟虛弱所致者用補中益氣湯錢氏地黄丸若面  
唇赤色正屬腎水不足肝經陰虛火動而内生風熱  
爾當滋腎水以制陽光其身軟者內稟氣不足肌肉  
未堅也當參五軟而施治之

清胃散

逍遙散

二方見內鈔

全蝎散

方見口際

釣藤散 方見慢驚

補中益氣湯 方見虛羸

錢氏地黃丸 方見腎臟

五軟

五軟者頭項手足肉口是也夫頭軟者臟腑骨髓皆虛諸陽之氣不足也乃天柱骨弱腎主骨足少陰太陽經虛也手足軟者脾主四肢乃中州之氣不足不能營養四肢故肉少皮寬飲食不爲肌膚也口軟者口爲脾之竅上下齟屬手足陽明陽明主胃脾胃氣虛舌不能藏而常舒出也夫心主血肝主筋脾主肉

肺主氣腎主骨此五者皆因稟五臟之氣虛弱不能  
滋養充達故骨脉不強肢體痿弱源其要總歸於胃  
蓋胃水穀之海爲五臟之本六腑之大源也治法必  
先以脾胃爲主俱用補中益氣湯以滋化源頭項手  
足三軟兼服地黃丸凡此症必須多用二藥仍令壯  
年乳母飲之兼慎風寒調飲食多能全形

### 治驗

吳江史萬湖子七歲患吐瀉顛目頓陷天柱骨倒  
兼面赤色余適在彼先用補中益氣湯加附子一  
劑其瀉止而諸症愈又川錢氏地黃丸料煎服頓

安

一 小兒七歲夏間過食生冷之物早間患吐瀉面  
赤作渴手足並熱項軟顛陷午後面色頓白手足  
並冷脉微欲絕急以六君子湯加附子一劑諸症  
頓除顛頂頓起而安小兒易虛易實故雖危症若  
能速用對病之藥亦可回生者

一 小兒九歲因吐瀉後項軟面白手足並冷脉微  
細飲食喜熱余先用六君子湯加肉桂五劑未應  
更加炮薑四劑諸症稍愈面色未復尺脉未起佐  
以八味九月餘面色微黃稍有胃氣矣再用前藥

又月餘飲食略增熱亦大減乃朝用補中益氣湯  
食前用八味丸又月餘元氣漸復飲食舉首如常  
又月餘而肌肉充盛諸病悉愈

一小兒十二歲瘧疾後項軟手足冷飲食少思粥  
湯稍離火食之卽腹中覺冷用六君子湯加肉桂  
乾薑飲食漸加每飲食中加茴香胡椒之類月餘  
粥食稍可離火又用前藥百劑飲食如常手足不  
冷又月餘其首能舉後飲食停滯患吐瀉項乃痿  
軟朝用補中益氣湯夕用六君子湯及加減八味  
丸兩月餘而項復舉畢姻後眼目昏花項骨無力

頭自覺大用八味丸補中益氣湯三月餘元氣復  
而諸症退後每入房勞役形氣殊倦盜汗發熱服  
後二藥卽愈

小兒十五歲手足痿軟齒不能嚙堅物內熱肺  
熱小便澀滯如淋服分利之劑小便如淋服滋陰  
之劑內熱益甚服燥濕之劑大便重墜余謂此稟  
腎氣不足早犯色慾所致故精血篇云男子精未  
滿而御女以通其精五臟有不滿之處異日有難  
狀之疾老人陰已痿而思色以降其精則精不出  
而內敗小便澀痛如淋若陰已耗而復竭之則大

小便牽痛愈痛則愈便愈便則愈痛正謂此也遂  
朝用補中益氣湯夕用六味丸加五味子煎服各  
三十愈刻諸症漸愈後夢遺諸症復作手足時冷  
痰氣上急用十全大補湯加味八味丸料各八劑  
二便稍利手足稍溫仍用前一藥三月餘元氣漸  
復飲食如常又飲食停滯吐瀉腹痛按之不疼此  
脾胃受傷也用六君子湯加木香肉荳蔻治之其  
吐未已左尺右關二脉輕診浮大按之如無經云  
腎開竅於二陰用五味子散四服大便頓止後又  
傷食噯酸作瀉大便重墜朝用補中益氣湯夕用



六君子湯加木香乾薑而痊

一老年得子四肢痿軟而惡風寒見日則喜余令乳母日服加減八味丸三次十全大補湯一劑兼與其子年餘肢體漸強至二週而能行

一小兒五歲稟父腿軟不便於行早喪天真年至十七畢姻後腿軟頭顛自覺開大喜其自謹寓居道舍遂朝服補中並氣湯夕用地黃丸料加五味子鹿茸煎服年餘而健

一小兒項軟服前二藥而愈畢姻後患解顛作渴發熱以二藥作大劑煎熟代茶恣飲兩月餘而渴

熱減年餘而顛顛合又年餘而肢體強若非慎疾  
雖藥不起

星附膏 治項軟

天南星

附子 各等分

右爲末用生薑自然汁調敷項間乾則潤之

六君子湯 方見天鈞

加減八味丸 卽六味丸加肉桂五味子方見腎臟

十全大補湯 卽八珍湯加黃耆肉桂

補中益氣湯 方見虛羸

地黃丸 方見腎臟

五味子散 方見

### 五硬

五硬者仰頭取氣難以動搖氣壅作痛連於胸膈脚  
手心冷而硬此陽氣不營於四末也經曰脾主四肢  
又曰脾主諸陰今手足冷而硬者獨陰無陽也故難  
治若肚筋青急者木乘土位也急用六君炮薑肉桂  
柴胡升麻以復其真氣若係風邪當參驚風治之此  
症從肝脾二臟受病當補脾平肝仍參瘕症急慢驚  
風門治之

小續命湯 治中風不省人事涎鳴反張失音厥冷

麻黃

人參

黃芩炒

川芎

芍藥

甘草炒

杏仁去皮炒

漢防已

官桂去皮各半兩

防風七錢五分

附子炮去皮臍一錢

每服一錢水煎服

六君子湯方見天鈞

保嬰撮要卷之三終

保嬰撮要卷之四

薛氏醫

吳郡薛鎧集

薛已驗

江

都

吳中珩校

風熱嵐症

中風之症西北方有之東南氣溫腠理疎泄人患之者皆類中風也况小兒元氣未充皮毛不固易虛易貫外邪乘之則壯熱抽掣氣粗涎涌甚至昏慣口噤卽似中風悞以續命等湯投之多至不救大人且無真中况小兒乎凡有前症當辯其因若陽明經氣虛風邪所乘筋脉拘急者爲外因足厥陰肝火熾盛筋

脉偏急者爲內因脾肺虛弱腠理不密外邪乘入或  
驚風過服金石之劑耗損肝血或吐瀉後內忘津液  
不能養肝致口眼喎斜者皆肝血不足肝火生風之  
類中風之類症也

治驗方藥 散見各症

瘧症

發瘧之症因傷風汗出悞發汗或濕症汗多所致若  
項背強直腰背反張搖頭掣瘖噤口不語發熱腹痛  
病在足太陽也若面目赤色無汗惡寒牙關緊急肢  
體反張痰涎壅盛昏愢煩渴小便赤澀先譫語而發

者名剛瘧當發汗若大便滑泄不語不渴有汗而不  
惡寒先手足厥冷而發者名柔瘧並以小續命湯加  
減主之剛瘧去附子用麻黃柔瘧用附子去麻黃若  
壯熱譫語口乾手足微寒大便滑泄此兼剛柔無汗  
用葛根湯有汗用桂枝加葛根湯若痰塞氣盛用南  
星半夏茯苓以消痰枳實陳皮紫蘇以順氣更審其  
熱輕者用敗毒散熱盛者用小柴胡湯壯熱有汗胸  
滿口噤咬牙便閉爲內熱以大承氣湯下之後用大  
柴胡湯解之過三日則難治此皆治六淫外傷元氣  
形病俱實之法也若小兒多因驚駭停食或乳母大

淫七情飲食起居失宜所致更當審之兼治其母大  
要因驚目直呵欠項強頓悶屬肝經實熱用抑肝散  
咬牙呵欠手尋衣領屬肝經虛熱用地黃丸若肺金  
不能平木用異功散脾不能養肝用六君子湯水不  
能生木用地黃丸

治驗

一小兒感冒發熱咳嗽咬牙余以爲脾肺氣虛不  
信乃用解散之藥果項強口噤汗出不止手足並  
冷遂用五味異功散加柴胡木香治之漸愈但日  
哺微熱暝而露睛用補中益氣湯而痊



一小兒因驚發熱誤行表散出汗面白晡發瘧  
先兄謂脾肺氣虛而肝膽邪盛以六君子加柴胡  
升麻治之乃發於寅卯時此肝邪自旺也用加味  
逍遙散一劑其熱頓退又用補中益氣湯六味地  
黃丸而愈

一小兒患瘰癧潰而發瘵頓悶咬牙寒熱此屬肝  
經風熱先用柴胡梔子散一劑寒熱頓止次用四  
物參芪白朮柴胡漸止又用補中益氣湯加芍藥  
茯苓而痊

一小兒頭患瘡潰而發瘵或寒熱作渴或手足厥

冷其脉洪大浮緩按之皆微細此元氣虛而邪氣  
實也用十全大補湯加柴胡山梔數劑諸症漸退  
而脉漸斂又十餘劑而愈

一小兒驚風服抱龍丸保生錠吐涎甚多又汗出  
發瘰仍欲祛痰余曰此肝脾血虛而内生風耳吐  
痰不止脾肺氣虛不能攝涎也汗出發瘰脾肺氣  
虛而亡陽也用六君子湯加炮薑木香頓愈又用  
四君子加歸芪而安

一小兒傷風發熱服解散之藥汗出不止瘥症悉  
具其脉洪大鼓指按之微細此汗多亡陽脾肺氣

虛之症也用異功散加芎歸黃芪其汗頓止又用  
補中益氣湯而痊

一小兒停食腹痛發熱嘔吐服峻厲之劑更吐瀉  
汗多手足並冷發瘧不止其脈浮洪按之如絲用  
六君子湯加升麻炮薑瘧症頓已准寒熱往來又  
用四君子升麻柴胡而愈

少叅王陽湖孫女年八歲發瘧服降火消導之劑  
其脈浮洪寒熱如瘧余用四君子加升麻柴胡炮  
薑釣藤鈎及補中益氣湯間服漸愈但脇下作痛  
去炮薑加木香肉桂而痊

一 小兒因乳母大怒發熱脇痛亦患前症兼汗出  
作嘔先用小柴胡湯一劑子母俱服頓愈但日肺  
潮熱以異功散加升麻柴胡治之並愈  
一 小兒因乳母發熱吐瀉一小兒因乳母食厥  
昏同患前症各治其母而子悉愈

桂枝加乾葛湯

治頭痛項背強凡汗出惡風者

桂枝

芍藥

甘草

葛根

四錢

石每服二錢薑棗水煎

小柴胡湯治身熱惡寒風痺項強直急胸膈滿痛嘔

噦煩湯寒執往來或身面皆黃小便不利大便秘

澀或驚過不解潮熱不除及差後勞復發熱疼痛

如瘧發作有時

方見肝臟

加味小柴胡湯

即小柴胡加  
山梔枳實丹皮

保生錠子

治慢驚尚有陽病

全蝎

白附子炮

殭蠶

牛胆南星

蟬蛻

琥珀

辰砂各一錢

麝香五分

防風

右為末糊搜和捏成錠子金銀薄為衣用薄荷湯

磨服

大柴胡湯 治表裏熱大便秘澀胸滿脇痛

柴胡

枳實 各二兩 二錢

半夏 一兩 五錢

赤芍藥 一兩 八錢

黃芩 二兩

大黃 三兩 七錢五分

右生薑紅棗煎不拘時服

小續命湯 方見五硬

抑肝散 方見肝臟

地黃丸 方見腎臟

敗毒散 方見發熱

六君子湯

五味異功散 方見內鈞

補中益氣湯 方見虛

加味逍遙散 方見內鈞

柴胡梔子散 方見發熱

四物湯 方見急驚

十全大補湯 入珍湯加黃芪肉桂即四君四物二湯合用

抱龍丸 方見傷寒

四君子湯 方見內鈞

大承氣湯治剛痙胸滿內實口噤咬牙大熱發渴大

便秘澀

大黃

芒硝 各五錢

厚朴 一兩

枳實

葛根湯治太陽病項強几几惡風無汗及惡寒剛瘕

葛根 四兩

麻黃 三錢

桂 一兩

右每服二錢水煎

夜啼

夜啼有二曰脾寒曰心熱也夜屬陰陰勝則脾臟之寒愈盛脾為至陰喜溫而惡寒寒則腹中作痛故曲腰而啼其候面青白手腹俱冷不思乳食是也亦曰胎寒用釣藤散若見燈愈啼者心熱也心屬火見燈則煩熱內全兩陽相搏故仰身而啼其疾面赤手腹



俱緩口中氣熱是也用導赤散石面色白黑睛少屬  
腎氣不足至夜陰虛而啼也宜用六味丸若兼泄瀉  
不乳脾腎虛弱也用六神散若兼吐瀉少食脾胃虛  
寒也用六君炮木香大便不化食少腹脹脾氣虛弱  
也用異功散心血不足者秘旨安神丸木火相搏者  
柴胡梔子散肝血不足者地黃丸大抵此症或因吐  
瀉內亡津液或稟賦腎陰不足不能滋養肝木或乳  
侮恚怒肝火侮金當用六君子湯補脾土以生肺金  
地黃丸壯腎水以滋肝木若乳母鬱悶而致者用加  
歸脾湯乳母暴怒者加味小柴胡湯乳母心肝熱

搏柴胡梔子散仍宜參客忤驚啼覽之

治驗

一小兒發熱夜啼乳食不進昏迷抽搐痰盛口噤  
此脾肺氣虛風木所乘痰食積於胸腹也先用大  
安丸後用六君釣藤鉤而痊

一小兒三歲面白眼啼小便青而數此肺腎虛弱  
朝用補中益氣湯加肉桂一分夕用地黃丸而愈  
大凡小兒面色青黑睛少或解顱足熱者出痘多  
在腎經預用地黃丸補腎氣多得無恙者  
一小兒二歲夜啼面色赤黑睛色淡小便頻赤朝

用補中益氣湯加山藥五味夕用地黃丸而愈

龍齒散 治拘哭肚痛驚熱

龍齒

蟬脫

釣藤鈞

羌活

扶苓各等分

右為末每服一錢水煎服

碧雲散 治渾身壯熱夜啼

柏葉二分

南星

殭蠶

全蝎

鬱金

雄黃各一錢

右為末每服一字用薄荷湯入蜜調服

六神散 治腹痛面色青口中氣冷及四肢俱冷曲

六腰而啼或泄瀉不乳

人參

山藥

白朮

各五錢

甘草炒二錢

茯苓

扁豆

炒各一兩

右爲末每服二錢薑二片棗水煎一方有芍藥當歸人參各二錢五分甘草桔梗陳皮桂各一錢愚按前症悉屬脾土虛寒元氣下陷本方更加柴胡升麻升提九氣而補脾土爲善

神綠散

全蝎

去足翅不拘多少

青薄荷

焙乾

右爲末每服半錢薄荷湯調下

無擇燈花散 治心燥夜啼

燈花 一二二類

右研細用燈草煎湯調塗口中乳汁送下日三服  
一法用燈花塗乳上令兒吮之無燈花用燈草燒  
灰辰砂少許亦妙或用燈花七枚鵬砂一字辰砂  
少許蜜調塗唇上立安

安神散 治夜啼

蟬蛻 四十九枚只用後半段截去前半段并去足翅

右為末分四服用釣藤鈎湯調下

人參黃連散 治心經蘊熱夜啼

人參 二錢五分

黃連 二錢五分炒

炙甘草 五分

竹葉 二十片

右薑水煎服

太乙丹 治睡驚夜啼青糞

桔梗 一兩五錢

藿香葉 五錢

川芎 二錢五分

白芷 三錢

白扁豆 五錢炒

右為末煉蜜丸櫻桃大辰砂麝香為衣每服半丸

薄荷湯磨下蠶色青棗湯下夜啼燈心釣藤湯下

加白朮茯苓白芍藥尤妙

地黃散 治身熱口乾咳嗽心煩

生地黃 五錢

麥門冬 七錢去心

杏仁 炮去皮尖

款冬花

陳皮 各三錢

甘草 炙二錢半

右為末每服二三錢水煎溫服

釣藤散 方見慢驚

導赤散 方見心臟

地黃丸 方見腎臟

六君子湯

五味異功散 三方見內釣

秘旨安神丸 方見發搐即十味安神丸

柴胡梔子散 方見諸熱症即柴胡清肝散

加味歸脾湯

方見內鈞

小柴胡湯

方見瘕症

大安丸

卽保和丸加白朮方見內鈞

補中益氣湯

方見虛羸

悲哭

悲哭者肺之聲淚者肝之液也若六脈弦緊者先以溫湯浸其身取汗次以涼膈散之類清其內熱此張子和治法如此若因乳母怒火遺熱於肝肝火炎熾反侮肺金金木相擊故悲哭有聲者宜用六君柴胡山梔以補脾清肝用六味丸以壯水生木有因驚風



過服祛風燥血之藥而致者有因吐瀉內亡津液而致者及稟父腎陰不足不能生肝者治各審之若小兒忽然大叫作聲者不治此稟腎陰不足虛火炎上故也用六味尤多有生者仍參覽夜啼客忤驚啼重舌口瘡天鈞內鈞等症

治驗

一小兒每忽哭白睛多每悲面色赤余謂稟賦腎虛火妄動而然也用地黃左半載後雖哭而面色不赤諸症皆愈

一週歲兒痰嗽哭不已用抱龍丸少止良久亦然

余視其右腮潔白左腮青赤此肺肝二經相擊而  
作先用瀉白散祛肺邪次用柴胡梔子散平肝木  
後用地黃丸滋腎水而痊

一小兒瘈瘲啼呌額間青黑此驚風肝木乘脾腹  
中作痛也先用六君子湯加木香柴胡鈞藤鈞啼  
呌漸緩更加當歸又二劑而安

一小兒發熱夜啼乳食不進昏迷抽搐痰盛口噤  
脉紋如水字此脾肺氣虛風木所乘痰食積於胸  
腹也先用大安丸後用六君子加鈞藤鈞而痊

涼膈散 方見瘡瘍

防風通聖散 方見風症

六君子湯 方見內鈞

六味地黄丸 方見腎臟

抱龍丸 方見傷寒

瀉白散 方見肺臟

柴胡梔子散 方見發熱

大安丸 即保和丸加白朮方見內鈞

胎症

小兒胎症謂胎熱胎寒胎黃胎肥胎弱是也胎熱者

初生旬日之間目閉色赤眼胞腫啼叫驚煩壯熱瀉

黃此在胎中受熱及膏梁內 經宜用清胃散之類胎  
寒者初生百日內或手足攣 屈或口噤不開此在胎  
母過食生冷或感寒氣宜用 五味異功散之類胎黃  
者體目俱黃小便秘澀不乳 啼叫或腹膨泄瀉此在  
胎母過食炙烤辛辣致生濕 熱宜用生地黃湯之類  
熱盛者瀉黃散之類胎肥者 肌肉稟厚遍身血色彌  
月後漸瘦五心煩熱大便不 利口吻流涎此受母胃  
熱所致也乳母服大連翹飲 兒用浴體法以疎通其  
腠理胎弱者面無精光肌體 瘦薄身無血色大便自  
水時時哽氣目無精神亦宜 用浴體法

消風散 治諸風上攻頭目昏眩項背拘急肢體煩

爽肌肉顫動耳若蟬鳴鼻塞多癩皮膚頑麻瘙癢

癩疹目澀昏困

白茯苓

芎藭

羌活

荆芥穗

防風

藿香葉

白殭蠶炒去絲嘴

蟬蛻微炒

甘草

厚朴去皮薑汁製

陳皮炒

右為末每服半錢茶清或薄荷湯調下荆芥湯亦

生地黃湯

治妊娠食酒麵

五辛積熱小兒生下遍

體面月皆黃也乳母仍忌酒麪五辛等物

生地黄

芍藥

川芎

當歸各等分

右每服五錢水煎產婦服仍滴兒口數滴

大連翹飲

方見噤風撮口

瀉黃散

方見脾臟

清胃散

異功散

二方見內鈞

浴體法

方見發搐

解顛顛填顛陷

錢仲陽云小兒解顛或久不合者因腎氣有虧腦髓  
不足故兒多愁少喜目睛多白而身瘦蓋人之腦髓  
如木無根有數歲而成廢人者服錢氏地黃丸更用  
南星微炮爲末米醋調傅緝帛烘熱貼之其柏子仁  
散三辛散封顛散俱効夫腎主骨腎氣實則腦髓充  
而顛早合骨脈盛而齒早生腎氣怯則腦髓虛而顛  
不合此由父母精血不足妄用地黃丸補之若在乳  
下當兼補其母更以軟帛繫束其首使易合皆虛  
火上衝當調補脾腎爲善顛填顛陷亦因所稟腎氣  
不足及乳哺失宜脾胃虧損所致夫脾主肌肉氣逆

上衝而爲填牋元氣下陷而爲顛陷也並用補中益  
氣湯地黃丸及用狗頭骨炙黃爲末以雞子清調敷  
顛門亦有瀉痢氣血虛脾胃不能上充者亦用前法  
若手足並冷前湯加薑桂末應虛寒甚也急加附子  
緩則多致不救

治驗

一小兒顛解足軟兩膝漸大不能行履用六味地  
黃丸加鹿茸治之三月而起

一小兒十四歲解顛自覺頭大視物皆大畏日羞  
明此稟賦腎氣怯弱用六味丸加鹿茸及補中益



氣湯加山藥山茱萸半載愈三載而顛合既婚之  
後仍覺顛門開解足心如多喜其斷色慾薄滋味  
日服前藥二劑三載而愈後入房兩腿痿軟又教  
以服前丸守前戒而愈

一小兒年十四歲而近女色發熱吐痰至有室兩  
目羞明頭覺脹大仍不斷慾其頭漸大顛門忽開  
用地黃丸益氣湯之類斷色慾年餘而愈不食臥  
一小兒年十三歲患前症內熱瞞熱形體倦怠食  
少作渴用六味丸加鹿茸補之不越月而痊

一小兒吐瀉發熱顛陷作渴用七味白朮散母子

並服而愈

一小兒久病發熱其顛或陷或填手足或溫或冷  
余用補中益氣湯加蔓荊子炮薑治之而安

一小兒顛陷吐瀉手足並冷用白朮散加木香炮  
薑治之而愈後傷食腹痛手足復冷用六君炮薑  
治之更加昏憤口角流涎此脾胃虛寒之甚也急  
加附子遂愈

一小兒病後其顛或陷或填此脾胃虛熱也朝用  
補中益氣湯加蔓荊子炮薑木香治之而顛平但  
作瀉口乾用白朮散以生胃氣而愈

柏子仁散 治顛門不合

防風 一兩 五錢

柏子仁 一兩

右為末乳汁調塗顛門子目自合

三辛散 治腦角骨大顛門不合

細辛

桂心 各五錢

乾薑 一錢

右為末乳汁調塗顛上乾時再塗

玉乳丹 治解顛

鍾乳粉 如法製

熟地黃 自法製 梓膏

柏子仁 研膏

當歸 各半兩

防風

補骨脂 各一錢

右各另為末入二膏加煉蜜丸黍米大每服一二

十九煎苗香湯送下加黃芪茯苓亦可

封顙散

方見癱搖

地黃丸

方見腎臟

濟生當歸散

方見黃疽

目內症

經曰目者五臟六腑之精榮衛魂魄之所常營也神氣之所常主也又曰諸脉者皆屬於目目得血而能視五臟六腑精氣皆上注於目而為之精故白睛屬肺黑睛屬肝瞳人屬腎上下胞屬脾兩眦屬心而內眥又屬膀胱五臟五色各有所司心主赤赤甚心實

熱也用導赤散赤微者心虛熱也用生犀散肝王青  
青甚者肝熱也用瀉青丸淡青者肝虛也用地黃丸  
解主黃黃甚者脾熱也用瀉黃散淡黃者脾虛也用  
異功散目無睛光及白睛多黑睛少者肝腎俱不足  
也用地黃丸加鹿茸晝視通明夜視罔見者因稟陽  
氣衰弱遇夜陰盛則陽愈衰故不能視也用沖和養  
胃湯凡赤脈翳物從上而下者屬足太陽經用東垣  
還奇湯從下而上者屬足陽明經用局方流氣飲蓋  
翳膜者風熱內蘊也邪氣未定謂之熱翳而浮於外  
邪氣已定謂之冰翳而沈於內邪氣既深謂之陷翳

宜升發之退翳之藥。眩之若上眼皮下出黑白翳者，屬大陽寒水從外至內者，屬少陽風熱從下至上。綠色者屬足陽明及肺腎合病也。疳眼者因肝火濕熱上衝脾氣有虧不能上升清氣，故生白翳。睫閉不開，眵淚如糊，久而膿流，遂至損目。用益氣聰明湯、茯苓瀉濕湯及四味肥兒丸，目閉不開者因乳食失節，或過服寒涼之藥，使陽氣下陷不能升舉，故目不開。用柴胡復生湯，若胃氣虧損，眼睫無力而不能開者，用補中益氣湯。暴赤腫痛者，肝火熾盛也，用龍膽瀉肝湯。多淚羞明者，肝心積熱也，用生犀散。亦有肝腎虛

熱者用地黃丸風沿爛眼者膈有積熱也用清胃散  
時時作痒者膿潰生蟲也用點藥紫蘇膏眼睫連剝  
者肝經風熱也用柴胡清肝散若生下日黃壯熱大  
小便秘結乳食不思而示眼閉者皆由在胎時感母  
熱毒所致兒服瀉黃散母服地黃丸若乳母膏粱積  
熱致兒日黃者令母服清胃散若肢體面目爪甲皆  
黃小便如屋塵色者難治又有痘疹後餘毒未盡上  
侵於目者屬腎肝虛也用滋陰腎氣丸前症多宜審  
治其母兼調其兒厥有未盡悉詳原機啓後集中方

叅考之

治驗

一女子年十四因恚怒先月經不行寒熱脇痛後  
兩目生翳青綠色從外至內余謂寒熱脇痛足厥  
陰之症也翳從外眥起足少陽之症也左關脉弦  
數按之而漶肝驚風熱兼血滯也遂以加味逍遙  
散加防風龍膽草四服而寒熱脇痛頓減用六未  
九月餘而翳消

一小兒十五歲兩目白翳腹膈遍身似疥非疥晡  
熱口乾形體骨立此肝疳之症也用六味肥兒丸  
而痊後陰莖作痒小便澄白瘡疥益熾狀如大風



用大蘆薈四味肥兒丸諸症漸愈又用大蕪荑湯而痊

一小兒白睛多吐痰發搐先用抑青丸四服而痰搐止後用地黃丸年許而黑睛多

一小兒白睛多三歲不能行語聲不暢兩足非熱則冷大便不實朝用補中益氣湯加五味子乾山藥以補脾肺夕用地黃丸加五味干牛膝鹿茸補肝腎不三月而痊

一小兒眼白腿軟兩足熱面似愁容服地黃丸兩月餘漸健服年餘白睛漸黑出痘無恙

一 小兒雀盲眼劄服煮肝丸而日明服四味肥兒丸而目不劄

一 小兒目無光芒視物不了了飲食少思大便不調服大蕪荑湯丸味蘆薈丸而愈後飲食停滯妄用消導剋伐之劑日症仍作至晚尤甚用人參補胃湯漸愈又用五味異功散四味肥兒丸而痊

一 小兒九歲素有肝火兩日生翳服蘆薈肥兒等丸隨愈至十四歲後遇用心過度飲食不節即夜視不明用補中益氣湯人參補胃湯四味肥兒丸而愈

一 小兒眼胞微腫欬嗽惡心小便清白余謂脾寒食積以五味異功散爲主佐以四味肥兒丸而愈後不節飲食夜視不明余曰此脾胃復傷須補養爲主不信乃服峻厲之劑後變風症竟不起

一 小兒因發熱表散出汗眼赤發搐審其母素有肝火發熱以異功散加柴胡升麻子母並服稍愈又用加味逍遙散其熱頓退繼用補中益氣湯六味地黃丸母子尋瘥

一 小兒目赤作痛咬牙寒熱余謂肝經風熱用柴胡飲子一劑而赤痛止又用四物參芪白朮柴胡

而寒熱退又用補中益氣湯而飲食加

一 小兒服素白或青患眼赤作痛服降火之劑眼如血貫脉洪大或浮緩按之皆微細用十全大補湯加柴胡山梔數劑外症漸退而脉漸斂又數劑而愈

一 小兒停食腹痛服巴豆之藥更加月赤作痛寒熱往來飲食少思手足並冷余用六君升麻炮薑諸症頓愈惟寒熱未已用四君柴胡升麻而安

一 小兒眼赤痛服大黃之藥更加寒熱如瘧余謂脾胃復傷用四君升麻柴胡炮薑釣藤鈎而寒熱

愈又用補中益氣湯間服而目疾痊

一小兒因乳母恚怒患發熱等症兒患目痛兼作嘔吐先用小柴胡湯子母俱服頓安但兒嘔熱仍嘔以異功散加升麻柴胡治之瘥

一小兒生下目黃三日面赤黃一小兒旬日內目黃而漸至遍身此二者胎稟胃熱各用瀉黃散一服皆愈

一小兒旬日面目青黃此胃熱胎黃也用瀉黃散以乳調服少許卽愈後復身黃吐舌仍用前散而安

一 小兒患目黃知其乳母食鬱身黃所致以越鞠丸治母瀉黃散治子並愈

一 小兒面青寒熱形氣瘦弱眼目生翳用九味蘆薈丸五味異功散目翳漸退乃以四味肥兒丸五味異功散而肌肉生

一 小兒眼每生翳皆因乳母悲怒而作用九味蘆薈丸柴胡梔子散母子服之並愈

一 小兒乳哺失節服藥過劑腹脹少食大便不調兩眼生花服治眼之藥漸生浮翳余用異功散加當歸柴胡飲食漸進便利漸調少佐以九味蘆薈

丸其眼漸明乃用人參補胃湯肥兒丸而痊

一小兒未週歲目內有翳余謂此稟母肝火所致  
詢其母果素多恚怒見患癩癧目疾自乳其子余  
用地黃丸治之其母稍愈後彼無此藥其子遂罄  
一小兒十二歲傷寒咳嗽發熱服發散之藥目漸  
不明服降火等藥飲食日少目漸生翳余謂中氣  
虛用人參補胃湯飲食漸進又用子金補肝丸及  
薰眼之法而痊

一女子十二歲目生白翳面黃浮腫口乾便泄用

四味肥兒丸而痊

一 小兒目羞明癩澀兩足發熱大便不實食少時  
咳仍次治肝祛風余曰兩足發熱小便不調腎肝  
虛也大便秘不實食少時咳脾肺虛也朝用補中益  
氣湯夕用六味地黃丸元氣漸復乃佐以四味肥  
兒丸又月餘而瘥

一 小兒目痛恪服瀉火治肝之藥反加羞明癩澀  
睡中驚悸悲啼此肝經血虛火動傷肺也用五味  
異功散加山梔補脾肺清肺金用地黃丸滋腎水  
生肝血而安乃兼服四味肥兒丸而瘥

一 小兒目青發搐直視叫哭或用牛黃清心丸加



咬牙頓悶小便自遺余謂肝經血氣虛甚也用補  
中益氣湯及六味地黄丸而痊

一小兒發搐目割屬肝膽經風熱先用柴胡清肝  
散治其肝後用地黃丸補其腎而愈

一小兒目痛兼痒因膏粱積熱仍口渴飲冷便秘  
先用瀉青丸疎導肝火更用清胃散煎熱磨生犀  
角服之以解食毒又用四味肥兒丸以治肝症而  
瘥

一小兒目疾久不愈用大蕪荑湯五癩蟾蜍丸數  
服又用四味肥兒丸而愈

一 小兒十四歲用功勞苦半載後自汗盜汗形體  
殊倦朝用補中益氣湯加五味子蔓荊子夕用十  
全大補湯尋愈婢媼後因哩痰頭暈恪服清痰理  
氣之藥忽目不能開余用地黃九十全大補湯三  
月餘而痊  
吳江史萬洲之孫自乳兒時患目疾年二十目劓  
頭搖用金櫃腎氣丸愈而復作兩目生翳用聰明  
益氣湯并前丸既愈而復發形體消瘦脈數洪大  
用補中益氣湯及前丸而瘥

一 小兒因驚眼劓或搐先用加味小柴胡湯加蕪

黃黃連以清肝熱又用地黃丸以滋腎生肝而

一小兒兩目連劄或色赤或時拭眉此肝經風熱  
欲作肝疔也用四味肥兒丸加龍膽草而瘥

一小兒白睛多吐痰發搐用地黃丸爲主佐以抑  
青丸而搐止後用世傳方地黃丸而黑睛多

一女于十四歲兩目作痛或發痒或頭運或頭痛  
或兩脇作痛或寒熱內熱口渴少食經候不調此  
肝脾二經氣血虛而有熱也用補中益氣湯柴胡  
清肝散而愈後左眉上結一核如荳許漸大如栗  
腐而作痛此肝經火燥而血病也用加味道遙散

月餘腐肉自脫乃用八珍湯及前藥而愈

一小兒十三歲日久痛漸生青綠翳後赤爛左關  
脉弦數用九味蘆薈丸加未道遙散而愈痺嫗後  
復發用滋陰腎氣丸爲主佐以加味逍遙散而痊  
一小兒十五歲因大勞日赤作痛發熱作渴脉洪  
大而虛用八珍湯加炒黑山梔一劑諸症頓退又  
用補中益氣湯而痊後因夢遺目仍赤痛用六味  
地黃丸料加五味子二劑而痛止又三十餘劑而

復明

生犀散

治心經虛熱

生犀 取卡  
二錢

地骨皮

赤芍藥

柴胡

乾葛 各一  
兩

甘草 五錢

右每服二錢水煎

生熟地黃散 治眼初患之時因悞藥到感肝受驚

風致目腫赤痛痒

生地黃 洗

熟地黃 各一  
兩

麥門冬 五錢

當歸

枳殼 米泔水  
浸麩炒

甘草 炙

防風

杏仁 湯泡去皮小  
用麩炒赤色

赤芍藥 各二錢  
五分

右每服一錢黑豆七粒水煎

犀角飲 治脾火眼疼

犀角 一兩

射干

草龍膽 炒

黃芩 炒各五錢

人參 二兩

茯苓 二錢五分

釣藤鈎 七錢五分

甘草 三錢

右每服一錢水煎

牛黃丸 治肝受驚遂致患目

牛黃

白附子

肉桂

全蝎

芎藭

石膏 各二錢五分

白芷

藿香 各五錢

辰砂

麝香 各少許

右各另爲末煉蜜丸桐子大每服三九臨臥薄荷湯化下乳母亦忌熱物之類

世傳方地黃丸

治腎虛目睛多白

鹿茸 五錢

澤瀉

茯苓

山茱萸

熟地黃

牡丹皮

牛膝 各一兩

右爲末蜜丸桐子大每服二十九鹽湯下

羅氏煑肝丸

治疳眼翳膜羞明大人雀目甚効

夜明砂

青蛤粉

穀精草 各一兩

右爲末每服二錢以猪肝批開攤藥在內麻線定

米泔水半碗煮肝熟取出湯傾碗內薰眼候湯溫  
分肝三服嚼喫就用肝湯下一日二服

龍膽飲子 治疳眼流膿生翳此濕熱為病

青蛤粉 五錢

羌活

草龍膽 各二錢

炒黃芩 二錢

蛇蛻 五分

麻黃 二錢五分

穀精草 五分

合為末每服二錢茶清調下

東垣人參補胃湯 治勞役飲食不節內瘴眼痛腫

効

黃芪根

人參 各一

炙甘草 八錢



蔓荆子 一升

白芍藥 炒

黃柏 各二升 酒炒

右每服二三錢水煎稍熱服臨臥三五服

千金方 治雀盲

地膚子 五兩

決明子 一升

右爲末以米飲和丸每服二三十丸

世傳方 治雀盲

蒼米

四兩米泔浸切片四兩焙

右爲末猪肝二兩批開搽藥在內用麻繫定粟米

一合水一碗砂鍋內煮熟薰眼候溫臨臥每服二

錢大効

聖惠方治雀盲不計時月用蒼朮一兩為末每服一

錢

本事方治小兒赤熱腫眼

大黃

曰礬各等分

右為末冷水調作餅于貼眼立効

東垣廣大重明湯

治兩臉或兩背赤爛熱腫疼痛

及眼胞痒極抓之至破爛赤腫眼楞生瘡痂目多

眵淚瘰澀難開

草龍膽

防風

生甘草根

細辛苗葉各一

右水一碗半煎龍膽至七分人餘藥再煎至半碗  
熱洗日五七次洗畢合眼須臾瘥

東垣助陽和血補氣湯 治發後熱壅白睛紅多眵

淚瘴澀此過服涼藥而真氣不能通九竅也

防風 七分

黃芪 一錢

蔓荊子 二分

白芷 二分

升麻 七分

甘草 炙

柴胡

當歸身 酒洗各

右

際古方 治眼赤暴發腫大眵翳大黃二公藏其

防風

羌活

黃芩 炒

黃連炒各等分

右每服一錢水煎服如大便秘加大黃二分痛甚

加川歸地黃各二分煩躁不得臥加梔子仁三分

保命點眼藥除昏退翳截赤定痛

當歸

黃連各二分

防風二分

細辛五分

甘草一分

右水一大碗文武火熬滴水中不散為度入熟蜜

少許點用

千金補肝散治目失明

青羊肝一其去膜薄切

決明子

藹藹香一合藜  
令香

求為末每服方寸七日二服久而有驗

牛事方 治太陽寒水陷翳膜遮睛

防風 白蒺藜各一兩 羌活一兩

甘菊三兩

右為末每服二錢入鹽少許百沸湯點服

保命羚羊角散 治水翳久不去

羚羊角 升麻 細辛各等分

甘草減半

右為末一半蜜丸桐子大每服五七十九一半泔

水煎吞送丸子。歙發陷翳亦羚羊角散之類用之。  
在人消息若陰虛有熱者兼服神仙退雲丸。

東垣補陽湯

治陽不勝其陰乃陰盛陽虛則九竅

不通令青白翳見於大眦乃足太陽少陰經中鬱  
遏厥陰肝經之陽氣不得上通於目故青翳肉阻  
也當於太陽少陰經中是九泉之下以益肝中陽  
氣衝天上行此乃先補其陽後於足太陰標中瀉  
足厥陰之火下伏於陽中內經曰陰盛陽虛則當  
先補其陽後瀉其陰每日空心服升陽湯臨臥服  
瀉陰丸須預期調養體氣和平天氣晴明服之補

其陽使上升通於肝經之末利空竅於目矣

羌活

獨活

當歸身酒浸  
焙乾

甘草稍

熟地黄

人參

黃芪

白朮各一  
兩

澤瀉

橘紅各半  
兩

生地黄炒

白茯苓

知母炒黃色  
各三錢

柴胡二兩

防風

白芍藥各五  
錢

肉桂一錢

右每服五錢水煎空心服候藥力行盡方可飲食

東垣羌活退翳湯

柴胡

甘草

黃芪各三  
錢

羌活

黃連

五味子

升麻

當歸身

防風

各二錢

一錢五分

黃芩

黃柏

芍藥

酒浸

草龍膽

酒洗各五錢

石膏

二錢五分

右分二服水煎入酒少許臨臥熱服忌言語

謙甫五秀重明丸 治眼翳膜遮睛隱澀昏花常服

清利頭目

甘菊花

五百箇

荆芥

五百穗

木賊

去節五百根

楮實

五百枝

右為末蜜丸桐子大每服五十九白湯化下



沖和養胃湯 治內障初起視覺微昏空中有黑花

神水變淡綠色次則視岐靚則成二神水變淡白

色久則不靚神水變純白

柴胡 七錢

人參

當歸

炙甘草 八分 乾生薑

升麻

葛根

白朮

羌活 各一兩

防風 五錢

黃耆 五錢

白茯苓 三錢

白芍藥 六錢

五味子 二錢

右每服二錢水煎

滋陰腎氣丸 治神水寬大漸散昏如霧露中行漸

觀空中有黑花視物二體久則光不收及內瘴神

水淡白色者

熟地黃 三兩

雷歸尾

牡丹皮

五味子

乾山藥

柴胡 各五錢

茯苓

澤瀉 各二錢半

生地黃 酒炒四兩

右為末蜜丸桐子大辰砂為衣每服十丸空心滾

湯化下

瀉熱黃連湯治內障有眵淚眊燥

黃芩

黃連

生地黃 並酒

柴胡 各兩

升麻 五錢

龍膽草 一錢

右每服一錢水煎午前服

柴胡後生湯

治紅赤羞明淚多眇少腦頂沈重睛

珠痛應太陽眼瞤無力常欲垂閉久視則酸疼翳

陷下者

藁本

蔓荊子

川芎

羌活

獨活

白芷 各二分半

白芍藥 炒

炙甘草

薄荷

桔梗 各四分

蒼朮

茯苓

黃芩 炒各五分

柴胡 六分

五噎事

十二粒并

右每服二錢水煎食後服

黃連羊肝丸

治目中赤脉甚夥

黃連為末

白搗羊肝一具

先以羊肝竹刀刮下如糊除去筋膜再搗細入黃

連丸桐子大每服十丸茶清化下

茯苓燥濕湯

治小兒易饑而渴腹脹生瘡目痛生

翳不開眵淚如膿俗謂疔毒眼

白木

人參

甘草炒

祝殼麩炒

茯苓

曼則子

薄荷各二分

蒼朮

前胡

獨活各分

川芎

羌活各二分

柴胡 四分

澤瀉 一分

右每服二錢水煎

局方菊睛丸 治脾腎不足眼花昏暗

枸杞子

菴蓉

酒浸炒

巴戟

去心各一兩

甘菊花

四兩

右爲末蜜丸梧子大每服十九空  
心白湯化下

抑青丸

方見驚喘

加味逍遙散

方見內釣

大蕪黃湯

方見疔症

九味蘆薈丸

方見諸症

異功散

方見內鈞

小柴胡湯

方見瘧症

柴胡梔子散

方見發熱

蟾蜍丸

方見諸疴

耳症

入

耳者心腎之竅肝膽之經也心腎主內症精血不足

肝膽主外症風熱有餘或聾聵或虛鳴者稟賦虛也  
或脹痛或膿痒者邪氣客也稟賦不足宜用六味地  
黃丸肝經風熱宜用柴胡清肝散若因血燥用梔子  
清肝散未應佐以六味丸間服九味蘆薈丸若因腎

肝疔熱朝用六味丸夕用蘆薈丸若因食積內熱用  
四味肥兒丸若因乳母膏粱積熱而致者宜加味清  
胃散脾經鬱結而致者加味歸脾湯肝經怒火而致  
者加味道遙散皆令乳母服之兼與其兒少許不可  
專於治外不惟閉塞耳竅抑亦變生他症延留日久  
遂成終身之聾矣慎之

治驗

一小兒耳內出膿穢不可近連年不愈口渴足熱  
或面色微黑余謂腎疔症也用六味地黃丸令母  
服加味道遙散而愈後四別服伐肝之藥耳症復

作寒熱面青小便頻數此肝火血燥也用柴胡梔  
子散以清肝六味地黄丸以滋腎遂痊

一小兒耳內出膿久不愈視其母兩臉青黃屬乳  
母鬱怒致之也遂朝用加味歸脾湯夕用加味道  
遙散母子皆愈

一小兒十二歲素虛羸耳出膿水或痛或痒至十  
四稍加用心卽發熱倦怠兩腿乏力八年矣用補  
中益氣湯及六味地黄丸稍愈畢姻後朝寒暮熱  
形氣倦怠兩足心熱氣喘唾痰仍用前一藥佐以  
六君子湯而愈因後不守禁忌惡寒發熱頭暈唾



痰余謂腎虛不能攝水而似痰清 不能上升而

頭暈陽氣不能護守肌膚而寒耕 用補中益氣

湯加蔓荊附子一錢四劑不應遂用人參一兩附

子一錢二劑而應乃用十全大補湯百餘劑而痊

又因大勞入房喉瘖痰湧兩腿不遂用地黃飲子

頓愈仍用十全大補湯而安後又起居失宜朝寒

暮熱四肢逆冷氣短痰盛兩寸脉短用十全大補

湯加附子一錢數劑而愈乃去附子用人參三錢

常服始安

一 小兒耳中流膿頂中結核眼目或劓或赤痛小

便或痒或赤澀皆肝膽經風熱之症也用四味肥兒丸悉愈

一小兒因乳母恚怒兼經行之後多食炙博兒遂耳內作痛出膿余先用加味小柴胡湯次用加味逍遙散令其母服之子母並愈

一小兒耳出穢水屬肝腎不足先用九味藤薈丸而痊畢姻後面黃發熱多病又用黃柏知母等藥更胸膈痞滿飲食少思痰涎上壅又利氣化痰加噫氣下氣余用六君子袖中益氣二湯乾薑木香等味治之尋愈

田氏紅玉散

治小兒聾耳

枯礬

麝香

乾胭脂

各等分

右為末研勻先以綿杖子撚膿淨摻入少許

湯氏龍黃散

治如前

枯礬

龍骨

黃丹

各半兩

麝香

一錢

右製法同前

愚按前二方可以治腑症之輕者若係肝經風熱

血燥等症必依前方論內服合宜之藥外用此以

收膿濕亦無不可若專泥外攻而失內治謬矣

六味地黄丸

方見腎臟

柴胡清肝散

方見熱症

梔子清肝散

九味蘆薈丸

方見嘔吐

四味肥兒丸

加味瀉胃散

加味歸脾湯

加味逍遙散

方見內鈞

加味梔子散

加味小柴胡湯

六君子湯

四君子湯 方見內鈞

地黃丸 方見腎藏

七味白朮散 方見積滯

補中益氣湯 方見虛羸

二陳湯 方見寒吐

鼻塞鼻衄丸

巢氏云鼻乃肺之竅皮毛腠理乃肺之主此因風邪客於肺而鼻塞不利者宜用消風散或用葱白七莖人油膩粉少許搗攤絹帛上掌中護溫貼顙門因驚

卜氣散血無所羈而鼻衄者則異功散加柴胡山柰  
左臉青而兼赤者先用柴胡清肝散後用地黃丸右  
臉赤乃肺大腸實熱也用瀉白散鼻色赤乃脾胃實  
熱也用瀉黃散微赤乃脾經虛熱也用異功散加升  
麻柴胡色深黃用濟生犀角地黃湯後用楊氏地黃  
丸淡白色用六君子湯頰間色赤用四物湯加山梔  
赤甚用五淋散小便赤色用六味丸補中益氣湯唇  
色白用六君子湯久不愈用麥門冬飲子若初病元  
氣未虧乳食如常發熱壯熱二便秘結作渴飲水臥  
不露睛者悉屬形病俱實當治邪氣若病久元氣已

虧食少發熱口乾飲湯嘔吐泄瀉肢體畏寒臥而露  
睛者悉屬形病俱虛當補正氣爲要

治驗

一 小兒咳嗽惡心鼻塞流涕右腮青白此乃脾肺  
氣虛而外邪所乘也先用惺惺散咳嗽頓愈但飲  
食不思手足指冷用六君子少加升麻一劑而痊  
一 小兒潮熱鼻衄煩渴便秘氣促咳嗽右腮色赤  
此肺與大腸有熱也用柴胡飲子一服諸症頓退  
後因驚復作微搐頓悶此肝解氣血虛也用四君  
子加芎歸釣藤鈎而愈

一小兒遍身生疥空鼻出血因肝脾有熱用四味肥兒丸而愈後食炙煖鼻血復出瘡疥復發先用清胃散二劑又用四味肥兒丸九月餘而痊

一小兒鼻衄滯頤作渴時汗乃胃經實熱也先用瀉黃散三服而滯頤止又用四味肥兒丸數服而鼻血愈後鼻不時作痒發渴便血用聖濟犀角地黃湯四劑母子並服別令兒更服四味肥兒丸九月餘而愈

一小兒鼻衄發熱作渴右頤色青

肝火乘脾

先用加味道遙散母子並服熱渴

另用五味



異功散少加柴胡升麻與子服之而愈

一小兒鼻衄服止血之劑反見便血右腮色黃或赤此脾氣虛熱不能統血也用補中益氣湯又用五味異功散加柴胡升麻而愈

一小兒鼻衄久不愈四肢倦怠飲食少思惡風寒此脾肺虛也先用五味異功散而鼻血止又用補中益氣湯而不畏風寒繼用四君少加柴胡升麻而全愈

一小兒鼻衄兩頰赤余謂稟賦腎氣不足虛火上炎也不信別服清熱涼血之藥病益甚余用地黃

愈  
丸果効畢姻後虛症悉至用八珍湯地黃丸料尋

一小兒鼻衄作渴喘嗽面赤此心火刑肺金也用  
人參平肺散及地黃丸料加五味子麥門冬煎服  
而痊

楊氏地黃散 治榮中有熱肺壅鼻衄

生地黃

赤芍藥

當歸身

川芎

各等分

右每服二三錢水煎熟入蒲黃少許春夏衄入地  
黃汁蒲黃各少許秋冬衄用車前草汁少許

麥門冬飲子 治吐血久不愈者

五味子 十粒

麥門冬 去心

黃芪 各一錢

當歸身

人參

生地黃 各五分

右水煎服

補中益氣湯 方見虛羸

清胃散

異功散 二方見內鈔即五味異功散

人參平肺散 方見咳嗽

柴胡清肝散 方見熱症

瀉白散 方見肺臟

瀉黃散

方見脾胃

犀角地黄湯

即聖濟犀角地黄湯方見便血衄血

五淋散

方見五淋

四君子湯

方見內鈞

八珍湯

即四君四物二湯合服也四君見天鈞四物見急驚

四物湯

方見急驚

惺惺散

柴胡飲子

二方見熱症

四味肥兒丸

方見嘔吐

加味道遙散

方見內鈞

六味地黄丸 方見腎臟

龜胸龜背

仲陽曰龜胸者肺熱脹滿攻於胸膈或乳母多食五辛及兒食宿乳而成當用龜胸丸或松葢丹百合丹之類治之龜背者令兒早坐因客風吹脊人於骨髓

所致以龜尿點背間骨節 取龜尿之法當置龜於荷葉上候龜眼四視急用鏡

照之其水自出又法當灸肺俞穴 在第三椎骨下兩傍各門一寸五分 心俞穴

在第五椎骨下兩傍各開一寸五分 膈俞穴 在第六之獨骨下兩傍各門一寸五分 用艾如

小荳大灸三五壯此多因小兒元氣未充腠理不密

風邪所乘或痰飲蘊結風熱交攻而致法當調補脾

肺為主而以清熱消痰佐之若因乳母膏梁厚味者當以清胃散治其母子亦服少許

龜胸丸

大黃一水

天門冬去心

百合

杏仁麩炒

木通

枳殼麩炒

桑白皮蜜炙

甜葶藶炒

朴硝各半

右為末煉蜜丸芡實大每服一九溫水食後化下

枳殼防風丸

枳殼麩炒

防風

獨活

人黃

前胡

當歸酒洗

麻黃 云節各一

右為末麩糊丸黍米大每服十九食後米湯下

松蓋丹 治龜背

花松

枳殼

防風

獨活 各一兩

麻黃

大黃

前胡

桂心 各半兩

右為末蜜丸黍米大每服數丸粥飲下量兒加減  
新增

百合丹 治龜胸背

百合 一兩

木通

朴硝

桑白皮

蜜炙

杏仁

云皮大炒  
雙仁不用

大黃

煨

天門冬

各半  
兩

右為末煉蜜丸菘葶大每服十九食前溫酒化下